

四庫全書

史部

欽定四庫全書

史部

欽定歷代職官表卷四十五

郎中_臣丁雲錦覆勘

纂修兼校勘候選知縣_臣范澐

謄錄拔貢生_臣吳躍鳴

司 鑰 長 前 鋒 護 軍 校

公事司 馬尉	
勳武前 鋒五藏	城門寺門正士 校尉
門尉 門候	
監門衛 直長 上直長 直長 上	城門郎 監門校尉
左衛 右衛	
提衛	
聖德殿上直各 衛把門京衛帶 千戶百刀千戶 千戶百刀千戶 千戶百刀千戶 千戶百刀千戶 千戶百刀千戶	

御營嚮導總統等官覽

掌
書
事
吏
部
將
軍

知
制
使
署
頭
使

相
度
行
營
道
路
使
橋
道
頭
遊
使



--	--	--	--	--	--	--	--

前鋒護軍統領

國朝官制

前鋒統領左右翼各一人

正二品或以王公大臣兼領

掌本翼四旗前鋒之政令

鑲黃正白鑲白正藍四旗為左翼正黃正紅鑲

紅鑲藍四旗為右翼初天聰八年定巴牙喇營前哨兵為噶

布什賢超哈順治十七年定噶布什賢噶喇衣昂
邦漢字稱為前鋒統領每翼各設一人以總其事

焉

前鋒叅領前鋒侍衛左右翼各八人

叅領正三品侍衛
正四品冗前鋒營

各官皆滿洲
蒙古兼用

委署前鋒侍衛左右翼各四人

以前鋒校
或親軍校

選委給五
品冠帶

前鋒校左右翼各四十八人

從六
品

掌督率前鋒警蹕宿衛凡

行幸止頓於

御營一二里外安設卡倫立前鋒旂以為門戶列帳守

衛以前鋒叅領前鋒侍衛共四人前鋒校前鋒共

百二十人董其役焉

國初設噶布什賢章京順治十七年定為前鋒叅領
並置前鋒侍衛前鋒校等員額乾隆十七年增置
委署前鋒侍衛旂各一人前鋒軍八旗滿洲蒙古
每佐領各二人分其半以兼習鳥鎗設之什長隊
長以時訓練而黜陟之

隨印協理事務前鋒叅領侍衛左右翼各一人隨印前
鋒校左右翼各二人隨印筆帖式左右翼各二人

掌案牘文移隨印叅領侍衛及前鋒校俱雍正三

年定筆帖式初制每翼各一人康熙四十六年省
雍正三年復增置

護軍統領每旂各一人

正二品

掌護軍之政令

國初設巴牙喇營統以巴牙喇蘇章京順治十七年

定漢字稱為護軍統領設員額如今制

護軍叅領每旂滿洲十人蒙古四人

正三品

內司鑰長署

司鑰長每旂各一人

以前鋒叅領護軍叅領鳥鎗護軍叅領選選除授

副護軍

叅領每旂滿洲十人蒙古四人

初制五品雍正十二年定為正四品 委署

護軍叅領每旂各七人

以護軍校選委給五品冠帶

護軍校滿洲蒙

古每佐領各一人

從六品

掌董率護軍守衛

宮殿門戶及

紫禁城外環列周廬番上宿直傳等巡警凡禁門局

鑰啟閉以時置籍以驗出入

車駕行幸則宿衛

御營專司網城堆鋪及清道警蹕之禁令

國初設已牙喇營甲喇章京順治十七年定漢字稱
為護軍叅領又設署護軍叅領雍正元年改為副
護軍叅領乾隆十七年復設委署護軍叅領員額
護軍八旂滿洲蒙古每佐領各十七人初制以上
三旂護軍叅領護軍校護軍等守衛

禁門下五旂各守王公府門遇行圍出征則八旂一
律分撥雍正七年始定八旂護軍均司禁衛焉

隨印協理事務護軍叅領副護軍叅領每旂各一人隨
印護軍校每旂各二人隨印筆帖式每旂各二人門筆
帖式鑲黃正黃正白三旂各十人

掌案牘文移隨印叅領副叅領及護軍校俱雍正
三年定筆帖式初制每旂各一人康熙四十六年
省雍正三年復增置門筆帖式初制未設後增置

圓明園八旂護軍營總統無定員

以王公大臣兼任

掌

圓明園翊衛之政令雍正二年始置于

禁苑周圍建營方八所選

京中八旂官軍分地駐劄專司宿直以王公大臣統
轄營務焉

營總護軍叅領每旂各一人

均正三品

副護軍叅領每旂各

二人

初制五品雍正十年升為正四品

署副護軍叅領每旂各四人

初制

六品雍正十年升為正五品

護軍校每旂各八人

正六品

副護軍校每

旂各八人

給冠帶仍食月餉

掌守衛

御園番直巡警凡

車駕出入則率其徒以司清蹕之事營總副叅領署副

叅領俱雍正三年置叅領雍正十年增置護軍校
初置八十人雍正十年增置三十二人乾隆十二
年又增十六人副護軍校雍正七年置初定七十
二人十年增置四十人乾隆十二年又增十六人
護軍三千六百七十二人教養兵四百八十人

隨印協理事務營總護軍叅領各二人隨印護軍校四人隨印筆帖式八人

掌案牘文移乾隆十六年置

御營嚮導總統無定員

以前鋒統領護軍統領八旗副都統兼任

嚮導處叅

領侍衛各四人前鋒校護軍校各六人

皆于前鋒護軍營內選用

嚮導之職凡遇

時巡省方以總統一人先期率官校詣

車駕經行之地周覽山川通橋梁夷險隘計程入告

駕行佩橐鞬前導每日

駐蹕後以次日程途及

駐蹕之所奏

聞交兵部曉諭闔營

回鑾亦如之凡

御營及頓營看營均由嚮導總統先期指示飭所在有

司敬謹修治焉

謹案嚮導雖無專設之員非定有常額者可比

然翊衛

蹕途責任綦重今以其隨時

簡任者皆在前鋒護軍營官內謹附載于此篇

歷代建置

三代

周禮天官宮伯掌王宮之士庶子凡在版者授八
次八舍之職事鄭康成注衛王宮者必居四角四
中於徼候便也鄭司農云庶子衛王宮在內為次

在外為舍元謂次其宿衛所在舍其休沐之處

周禮天官掌舍下士四人府二人史四人徒四十人掌王之會同之舍設楹板再重設車宮轅門為壇壝宮棘門為帷宮設旌門凡舍事則掌之

周禮秋官司隸中士二人下士十有二人府五人史十人胥二十人徒二百人掌帥四翟之隸使之各服其邦之服執其邦之兵守王宮與野舍之厲禁

周禮地官師氏使其屬帥四夷之隸各以其兵服
守王之門外且蹕朝在野外則守內列

謹案周之宮伯掌王宮士庶子實近今領侍衛
內大臣而所授八次八舍分置八隅以衛王宮
則又兼有今護軍統領之職至掌舍于王行所
止舍設櫓栳再重鄭康成謂行馬再重以周衛
有內外列正如今前鋒統領于

御營安設卡倫之職也若師氏所掌使其屬帥四夷

之隸守王之門外司隸所掌帥四翟之隸以守
王宮葉時禮經會元謂為周防守禦之衛則與
今護軍統領之職尤為相合矣

秦

徐堅初學記案齊職儀云衛尉秦官也掌宮門衛

屯兵

蓋周禮宮伯之職尉者尉
也言以羅爵令主奸非

史記秦始皇本紀閼樂將吏卒至望夷宮殿門縛
衛令僕射曰賊入此何不止衛令曰周廬設卒甚

謹安得賊敢入宮

謹案衛尉官始置于秦即今護軍之職所自昉
衛令蓋其所屬而衛令僕射為衛令之長則如
今之護軍叅領也

漢

漢書百官公卿表衛尉掌宮門衛屯兵

顏師古注漢舊儀云

衛尉寺在宮內胡廣云主宮闕之門內衛士于周垣下為區廬區廬者若今之仗宿屋坐

有丞

景帝初更名中大夫令後元年復為衛尉屬官有

衛士令丞衛士三丞又諸屯衛候司馬二十二官
皆屬焉

漢書顏師古注司馬門者宮之外門也衛尉有八
屯衛候司馬主衛士徼巡宿衛每面各二司馬故
謂宮之外門為司馬門

王應麟玉海西京賦衛尉八屯警夜巡晝注引八
校尉非也校尉北軍衛尉南軍宮門四面每門各
有二司馬凡八司馬故曰八屯

太平御覽漢官鮮詒曰衛尉主宮闕之內衛士于周垣下為廬各有員部凡居宮中者皆施籍于掖門案其姓名若有醫巫僦人當入者本官長更為之封啟傳審其印信然後內之有籍者皆復有符符用木長二寸以所屬宮兩字為錢印亦太府卿炙符當出入者案籍畢復齒符識其物色乃引內之也其有官位得出入者令執御之官傳呼前後以相通從昏至晨分部行夜夜有行者輒前曰誰

誰若此不懈終歲更始所以重慎宿衛也

謹案漢以南軍為宮衛屯兵而衛尉主之雖與光祿勳同掌宿直而有郎衛兵衛之分其八屯司馬專率衛士守衛宮門譏察門籍晨昏巡警與今前鋒護軍統領之職實相脗合蓋衛尉如今之統領而屯衛司馬則如今之叅領也

漢書百官公卿表長樂建章甘泉衛尉皆掌其宮職略同不常置

漢書宣帝本紀元康元年置建章衛尉元帝本紀

初元三年罷甘泉建章宮衛

漢書蕭望之列傳署小苑東門候

顏師古注門候主候時而啟閉

也

謹案漢時天子御未央宮屯衛皆在焉而長樂

建章甘泉皆置衛尉以備臨幸守衛正如今

圓明園護軍營之比其小苑東門候不見於史當

亦甘泉建章衛尉所屬耳

馬端臨文獻通考秦有護軍都尉漢因之高帝以
陳平為護軍中尉盡護諸將然則復以都尉為中
尉武帝元狩四年以護軍都尉屬大司馬于時復
為都尉矣哀帝元壽元年更名司寇平帝元始元
年更名護軍

謹案此即護軍之名所由始然其所謂護軍乃
調護諸將之義非護衛之護漢書韓安國為護
軍將軍護四將軍以伏單于者是也今護軍之

稱名雖同而實不相襲故不著於表而謹識其異同於此

後漢書百官志衛尉卿一人中二千石掌宮門衛士宮中徼循事丞一人比千石公車司馬令一人六百石丞尉各一人丞選曉諱掌知非法尉主闕

門兵禁戒非常

胡廣曰諸門部各陳屯夾道其旁當兵以示威武文戰以遮妄出入

者南宮衛士令一人六百石掌南宮衛士丞一人北宮衛士令一人六百石掌北宮衛士丞一人左

右都候各一人六百石主劍戟士徼循宮及天子
有所收考丞各一人宮掖門每門司馬一人比干
石南宮南屯司馬主平城門北宮門蒼龍司馬主
東門元武司馬主元武門北屯司馬主北門北宮
朱爵司馬主南掖門東明司馬主東門朔平司馬
主北門凡七門凡居宮中者皆有口籍于門之所
屬宮名兩字為錢印文符案省符乃內之若外人
以事當入本宮長吏為封啟傳其有官位出入令

御者言其官

東觀漢記建武二十三年太尉鮑顯兼衛尉永元三年司徒丁鴻兼衛尉

後漢書朱暉列傳帝當幸長安欲嚴宿衛以暉為衛士令

文選東京賦注衛士千人在端門外五營千騎在衛士外

後漢書趙謙列傳帝遷都長安以謙行車騎將軍

事為前置

謹案後漢以衛尉典掌衛兵一如西京之舊觀
鮑顯丁鴻等皆以三公兼領則其職較重而元
武司馬班固亦嘗為之則宿衛之官亦不專用
武臣矣至趙謙以車騎將軍為前置則正如今
嚮道大臣之職也

三國

三國蜀志陳震列傳建興以震為衛尉

三國魏志辛毗列傳毗為衛尉稱平

三國吳志嚴畯列傳畯嘗為衛尉使蜀

三國吳志三嗣主列傳太元二年使衛尉馮朝城廣

陵

謹案三國皆有衛尉官見于諸傳史雖失載其
職掌當亦尚沿漢舊也

冊府元龜魏武置中領軍與護軍皆領禁兵

魏志文帝本紀黃初二年以許定都督徼道虎賁

謹案此為護軍將軍領禁兵之始蓋已與漢制不同矣至都督徼道虎賁為宮門徼巡之職亦如今之護軍統領也

晉

晉書百官志衛尉統衛士令左右都候渡江省護軍將軍魏初隸領軍晉世不隸元帝永昌元年省併護軍明帝太寧二年復置各領營兵資重為護軍資輕者為中護軍屬官有長史司馬功曹主簿

五官

晉書應詹列傳王敦作逆帝以詹為都督前鋒軍

事護軍將軍

謹案晉以護軍與領軍同領禁衛別設營兵故

晉書淮南王允傳稱允領中護軍宿衛將士皆

畏服之蓋與今護軍營制頗為相仿至應詹為

前鋒都督其官雖因行軍而設然前鋒之名實

昉見于此且詹以前鋒兼領護軍亦可知本以

禁旅出征故並綰二職也

宋齊梁陳

宋書百官志衛尉一人丞二人掌宮門屯兵晉江
左不置宋世祖孝建元年復置舊一丞世祖增置
一丞

南齊書百官志衛尉府置丞一人掌宮城管鑰張
衛西京賦曰衛尉八屯警夜巡晝宮城諸却敵樓
上本施鼓持夜者以應更唱太祖以鼓多驚眠改

以錢磬云

隋書百官志梁衛尉卿置丞及功曹主簿位視侍中掌宮門屯兵卿每月丞每旬行宮徵糾察不法又有宏訓衛尉亦置屬官陳承梁皆循其制官

唐六典衛尉主簿宋齊並有梁天監七年置主簿位三班陳因之

謹案南朝衛尉職掌史文雖不詳具然攷南史載梁鄱陽嗣王範為衛尉夜中行城常因風便

鞭箠宿衛欲令帝知其勤而梁書亦稱其每夜自巡警則職在督率警衛與今前鋒護軍統領正無殊也

杜佑通典宋護軍將軍一人掌外軍資重者為護軍將軍資輕者為中護軍齊梁陳並有之

謹案宋齊梁陳皆有護軍將軍分掌外軍與領軍對職蓋亦司宮門屯衛之事又考南史袁粲傳稱桂陽王休範為逆已至南掖門諸將意沮

梁慷慨謂之曰今日當與諸護軍同死社稷于
是陳顯達等感激出戰案當時諸將陳顯達為
羽林監王敬則為直閣將軍高道慶為寧朔將
軍而梁皆呼為護軍是南朝宿衛官得通稱為
護軍也

南史薛安都列傳孝武踐阼除右軍將軍率所領
騎為前鋒入直殿廷其年以憚直免官

謹案薛安都以右軍將軍率前鋒騎入直雖非

設有專官然亦前鋒宿衛之始也

北魏

魏書官氏志衛尉卿第一品下護軍將軍第二品
上司衛監第三品上

魏書酷吏傳胡泥歷官司衛監率勒禁中不憚豪貴
殿中尚書叔孫侯頭應內直而闕于一時泥以法
繩之

胡三省通鑑注司衛監蓋魏所置以掌宿衛

謹案魏之衛尉卿第一品而司衛監第三品則
司衛當為衛尉之屬蓋衛尉如今之統領而司
衛則如叅領也

北齊

隋書百官志北齊衛尉寺置卿少卿丞各一人掌
禁衛甲兵統城門寺置校尉二人掌宮殿城門并
諸倉庫管鑰等事又領衛士署令掌諸門兵士○
領軍府直盪屬官有勲武前鋒正副都督勲武前

鋒五藏等員直衛屬官有前鋒正副都督等員直
突屬官有勲武前鋒散都督等員○護軍府將軍
一人掌輿駕出則護駕中護軍亦同有長史司馬
功曹五官主簿錄事釐其府事

謹案北齊宮衛之事皆領于衛尉故護軍將軍
惟主扈從出入然史文明言護駕則所謂護駕
者已為護衛之義矣至前鋒諸都督雖皆領軍
府屬未嘗別為一隊而以前鋒入衛實始于是

時也

後周

胡三省通鑑注周置左右武伯掌內外衛之禁令
兼六率之士左右小武伯各二人貳之

隋書長孫晟列傳周室尚虎賁貴遊子弟咸以相
矜晟年十八為司衛上士人未之識也

司馬光資治通鑑周門正上士崔彭胡三省注門
正掌門闕啟閉之節及出入門者

謹案周之左右武伯周書又稱為司武武帝本
紀載建德三年衛王直反突入肅章門司武尉
遲運等拒守直乃敗走是司武掌守衛諸門正
今護軍統領之職也至司衛上士與虎賁各為
一職則與今侍衛不同蓋亦護軍叅領之比而
門正上士則如今之司鑰長矣

隋

隋書百官志左右武衛左右武侯各大將軍一人

將軍二人並有長史司馬錄事功倉兵騎等曹參
軍法曹鎧曹行參軍各一人行參軍左右武候六
人左右武衛八人左右武衛領外軍宿衛左右武
候掌車駕出先驅後殿晝夜巡察執捕姦非烽候
道路水草所置巡狩師田則掌其營禁左右監門
衛各將軍一人掌宮殿門禁及守衛事各置郎將
二人校尉直長各三十人長史司馬錄事及倉兵
曹參軍鎧曹行參軍各一人行參軍四人煬帝改

左右武侯為左右候衛其軍士總號衛士每衛置
護軍四人掌副貳將軍將軍無則一人攝尋改護
軍為虎賁郎將正四品而置虎牙郎將六人副焉
從四品諸衛皆置長史從五品又有錄事參軍等
員左右監門改將軍為郎將各置一人正四品直
閣各六人正五品又增置左右門尉員一百二十
人正六品置門候員二百四十人正七品並分掌
門禁守衛

鄭樵通志隋文帝開皇三年廢衛尉等寺入太常
及尚書省十三年復置掌軍器儀仗帳幕之事而
以監門衛掌宮門屯兵

謹案衛尉自秦漢以後皆掌宮門屯衛至隋廢
而復置始改典軍器帳幕全非舊職今據其所
掌已分繫于鑾儀衛武備院表至隋之左右武
衛掌外軍宿衛蓋即前代護軍左右監門掌宮
殿門禁蓋即前代衛尉皆當為今護軍統領之

職左右武侯掌先驅後殿巡狩營禁則當為今
前鋒統領之職而所司烽候道路水草所置則
又兼有今嚮導大臣之職至每衛置護軍後改
虎賁郎將與今之護軍叅領亦頗相仿其門尉
候尉屬于監門衛則又如今之護軍校也

唐

唐六典左右監門衛大將軍各一人將軍各二人
掌諸門禁衛門籍之法凡京司應以籍入宮殿門

者皆本司具其官爵姓名以移牒其宮門司送于
監門勘同然後聽入凡財物器用應入宮者所由
以籍榜取左監門將軍判門司檢以入之應出宮
者所由亦以籍榜取右監門將軍判門司檢以出
之其籍月一換若大駕行幸則依鹵簿之法率其
屬於牙門之下以為監守中郎將各四人掌諸監
門及巡警之法凡宮殿門及城門皆左入右出其
監門官司檢校者聽從便門出入長史一人掌判

諸曹及諸禁門之事錄事參軍一人掌勾檢稽失
諸司籍榜押於監門者印署而遣之兵曹參軍一
人胄曹參軍一人監門校尉二百二十人直長六
百八十人長人長上二十人直長長上二十人

新唐書百官志門下省城門郎四人掌京城皇城
宮殿諸門開闔之節奉管鑰而出納之開則先外
後內闔則先內後外啟閉有時不以時則詣閣覆
奏有令史二人書令史二人武德五年置門僕八

百人番上送管鑰

謹案唐之監門衛即今護軍統領之職而城門
郎專司管鑰則即今司鑰長之任以百官志考
之左右領軍衛大將軍掌分兵主守苑城諸門
則今

圓明園護軍營之職又當為領軍衛所兼攝也

資治通鑑唐元宗開元五年行幸東都過嶠谷道
隘不治上欲免知頓使官胡三省注車駕行幸有

知頓使

舊唐書元宗本紀韋諤為御史中丞充置頓使

謹案唐之知頓使即今

御營嚮道大臣之職而舊唐書又作置頓使蓋本非常職故隨時置名無一定之例也

通典唐採前代舊名置上護軍護軍

謹案唐之上護軍護軍皆勲官虛號並無職守其後又置神策軍護軍中尉以寵宦官並乖典

制今並不著于表

五季

謝維新合璧事類五代梁乾化六年詔曰端闡正門也宜以時開敞用達陽氣委皇城使

謹案據此則五季宮門啟閉之節實皇城使掌之當即今護軍統領之職然考合璧事類又稱宋之皇城使其初本號武德司而五代史所載後唐有武德使史彥瓊為內諸司之一是當時

實有此官豈梁之皇城使後唐又改為武德使
歟

資治通鑑後唐明宗天成二年帝如汴州朱守殷
反遣御營使石敬瑭將兵討之

謹案後唐始置御營使掌行營守衛之事正近
今之前鋒統領也

宋

宋史職官志皇城司幹當官七人以武功大夫以

上及內侍都知押班充掌宮城出入之禁令凡周廬宿衛之事宮門啟閉之節皆隸焉每門給銅符二錢牌一左符留門右符請鑰錢牌則請鑰者自隨以時參驗而啟閉之總親從親事官名籍辨其宿衛之地以均其番直人物僞冒不應法則讖察以聞凡臣僚朝覲上下馬有定所自宰臣親王以下所帶人從有定數揭榜以止其喧闐元符元年詔應宮城出入請納官物呈稟公事傳送文書并

御厨翰林儀鸞司非次祇應聽于便門出入即不由所定門者論如闌入律政和五年詔皇城司可初置親從第五指揮以七百人為額使為將軍副使為中郎將使臣以下為左右郎將通以十員為額六年詔嘉王楷差提舉皇城司整肅隨駕禁衛中興初為行營禁衛所差主管官掌出入皇城宮殿門等敕號察其假冒車駕行幸則糾察導從紹興元年改稱行在皇城司提舉官一員提點官二

員幹當官五員以諸司副使內侍都知押班充掌
皇城宮殿門稽驗出入凡諸門必謹所守潔蠲齋
肅郊祀大禮則差撥隨從守衛有宴設則守門約
闌嘉定間臣僚言皇城一司總率親從嚴護周廬
叅錯禁旅權亞殿巖乞專以知閣御帶並領從之
合璧事類紹興三年詔皇城司係專掌禁廷出入
依祖宗法不隸臺察

謹案宋代雖有監門將軍之名然係虛銜並無

職掌其門禁守衛之事專屬之皇城一司至以諸王領之蓋即今之護軍統領也

李心傳建炎以來朝野雜記御營使者建炎元年始命宰相李伯紀為之御營使一員副使一員其將佐有都統制一員及五軍統制以下官四年罷紹興三十一年上臨江視師以和義郡王楊存中為御營宿衛使明年孝宗即位又以御營使命之方以智通雅建炎元年置都統制以王淵為之其

下分為五軍紹興稱神武五軍俄又改為行營五
護軍

謹案宋之御營使以宿衛入銜則行幸所至巡
警防護乃其專職正今前鋒統領之比而五軍
統制嘗以五護軍命名蓋亦以其職隸御營而
有是稱也

李燾續資治通鑑長編真宗大中祥符元年詔以
十月有事於泰山命引進使曹利用宣政使李神

福相度行營道路以叅知政事趙安仁為橋道頓
遞使

謹案宋真宗以曹利用等相度行營道路即今
嚮導大臣所有事而橋道頓遞使為大禮五使
之一宋時凡遇郊禋必命執政充之以重其事
蓋亦如唐之知頓使也

遼

遼史百官志北面御帳官○北護衛府掌北院護

衛之事北護衛太師北護衛太保北護衛司徒總
領左右護衛司總領左右護衛左護衛司右護衛
太保左護衛右護衛司右護衛太保右護衛○南
護衛府掌南院護衛之事南護衛太師南護衛太
保南護衛司徒總領左右護衛司總領左右護衛
左護衛司左護衛太保左護衛右護衛司右護衛
太保右護衛○北面軍官○護軍司護軍司徒○
北面行軍官○先鋒使司先鋒都統所御營都統

所

謹案遼御帳諸官以出於貴戚者為侍衛出于
北南部族者為護衛均典司宿直則護衛即今
護軍之比若北面軍官之護軍司當亦領宿衛
之兵者而其制不詳至先鋒使先鋒都統雖因
行軍而設而職在御營實即如今之前鋒統領
也

金

金史百官志左右宿直將軍從五品掌總領親軍
凡宮城諸門衛禁并行從宿衛之事八員大定二
十九年作十員復作十一員

金史兵志設護衛二百人取五品至七品子孫及
宗室并親軍諸局分承應人身長五尺六寸者選
試補之

謹案金宿衛之士統號親軍而統于殿前都點
檢司惟宿直將軍專司宮門禁衛實兼有今護

軍統領之職今故互著于此至兵志所載又有
護衛之名在親軍以外當即如今之護軍也

元

元史百官志右阿蘇

蒙古語住守之意
原作阿速今改正

衛親軍都

指揮使秩正三品掌宿衛城禁達嚕噶齊

解見戶
部篇

一員都指揮使三員副都指揮使二員僉事二員

經歷二員知事二員承發架閣照磨一員令史七

人譯史通事知印各一人鎮撫二員其屬把門千

戶二員百戶五員門尉一員○左阿蘇衛親軍都
指揮使司品秩職掌同右阿蘇衛達魯噶齊一員
都指揮使三員副都指揮使二員僉事一員經歷
二員知事二員照磨一員鎮撫二員其屬圍宿把
門千戶所一十三翼千戶二十六員百戶一百三

十員彈壓一十三員

右屬樞密院

○哈喇婁

蒙古語哈喇黑色也

婁龍也原作哈刺魯今改正

萬戶府掌守禁門等處應直宿衛

達魯噶齊一員萬戶一員經歷知事各一員提控

案牘一員鎮撫一員吏目一員千戶所三翼千戶

三員百戶九員彈壓三員

右屬大都督府

元史兵志至元十四年以蒙古軍與漢軍相參備

都城內外及萬壽山宿衛仍以伊蘇布哈

蒙古語伊蘇九

數也布哈牝牛也原作也速不花今改正

領圍宿事皇慶元年樞密院

臣言皇太后有旨禁掖門可嚴守衛臣等議增置

百戶一員及于欽察

回語額欽察各自之意

桂斨

蒙古語善走人也原

作費赤今改正

西域唐古

原作唐兀今從八旗氏族通譜改正

阿蘇等衛調

軍士九十人增守諸掖門復命千戶一員帥領百戶一員備巡邏從之

謹案元以左右阿蘇衛及哈喇婁萬戶府宿衛禁門皆如今護軍之職然考之兵志則圍宿諸軍皆從各衛調撥故百官志所載唐古衛有門尉二員西域親軍都指揮使司有把門千戶二員百戶八員門尉一員皆有守衛之司或以其職事兼屬於左右阿蘇衛也

明

明史職官志金吾羽林等十九衛掌守衛巡警統
所凡一百有二

明史兵志初太祖改都鎮撫司為留守設左右前
後中五衛闕領內府銅符日遣二人點閱夜亦如
之所謂皇城守衛官軍也二十七年申定皇城禁
約凡朝叅門始啟直日都督將軍入後百官始以
次入上直軍三日一更番內臣出入必合符嚴索

以金幣出者驗視勘合以兵器雜樂入門者禽治
失察者罪之民有事陳奏不許固遏二十八年復
於四門置舍使恩軍為衛士執爨永樂中定諸衛
各有分地自午門達承天門左右逮長安左右門
至皇城東西屬旗手濟陽濟川府軍前及虎賁右
金吾前燕山前羽林前八衛東華門左右至東安
門左右屬金吾羽林府軍燕山四左衛西華門左
右至西安門左右屬四右衛元武門左右至北安

門左右屬金吾府軍後及通州大興四衛衛有銅符頌自太祖曰承曰東曰西曰北各以其門名也巡者左半守者右半守官遇巡官至合契而從事各門守衛官夜各領銅令申字牌巡警自一至十六內皇城衛舍四十外皇城衛舍七十二俱設銅鐸次第循環內皇城左右坐更將軍百每更二十人四門支更官八交互往來鈐印于籍以為驗都督及帶刀千百戶各一人領申字牌直宿及點各

門軍士後更定都督府改命侯伯僉書焉正德初
嚴皇城紅鋪巡徼日令留守衛指揮五員督內外
巡軍而兵部郎中主事各一人同御史錦衣衛稽
閱毋攝他務萬厯十一年於皇城內外設把總二
員分東西管理

謹案自周之宮伯掌八次八舍以宿衛王宮漢
代以衛尉領南軍主宮門衛士及宮城徼巡之
事於是兵衛之設實與郎衛而並重後世官稱

雖互有同異而職任無殊然史稱漢之南軍無

常在之兵以郡國民始傳者為之

如淳曰民年二十三傳之

時官傳著也立傳名籍以給公家之繇役也

故每歲衛士轉置送迎

常二萬人科調踐更俱不免於勞費唐之監門

衛即十六衛之一其府兵亦以番上執役久之

而亡匿耗散宿衛不給遂改為長募之軍而所

募多出市人富者販糟綠食梁肉壯者為角觝

拔河翹木扛鐵之戲及有事皆不能受甲中葉

以後浸為弊數明代以二十二衛卒守衛皇城
其初未嘗不具存規制乃以狃于晏安不加訓
練以致軍多隱占尺籍常虛其甚者諸門管鑰
皆付諸寺人之手禁兵將吏至曠數日不至直
廬而禁衛之事益不可問矣我

朝建旂分職碁布星羅以前鋒統領所轄之前鋒
護軍統領所轄之護軍專掌宿衛清蹕宮禁傳
籌內禁門啟閉及

御營守衛之事蓋即歷代兵衛之職而制度詳明規
條嚴密復以時訓習操肄黜陟懲勸無不奮興
感勵簡練精純其

圓明園護軍營則所司屯衛

禁苑不復派出兵隨圍以專官守臂指相使內外
相維環衛之制倍昭整肅固非歷朝衛尉監門
諸職所能企及于萬一也

欽定歷代職官表卷四十五

[illegible]

<p>步兵軍校</p>	<p>城門領</p>	<p>城門吏</p>
<p>周可發 蔡榮 胡觀野 晏氏修 龐氏各 下士</p>		
<p>執金吾 <small>十人</small></p>	<p>城門司馬 <small>城門司馬</small></p>	<p>土城門侯 <small>門候</small></p>
<p>羽林將 <small>翼將</small></p>		<p>諸門侯</p>
<p>司門正<small>士</small></p>	<p>城門中郎<small>士</small></p>	<p>城門直<small>士長</small></p>
<p>金吾衛 翊府丞 殺</p>		
	<p>京城下 四門尉</p>	<p>京城十 四門尉</p>

巡捕五營千總把總

金吾衛
隊正

左右廂
雜捕使
臣

步軍統領

國朝官制

提督九門巡捕五營步軍統領滿洲一人

正二品近制以親信大臣

燕任之

掌京城內外門禁鎖鑰統帥八旗步軍五營將備
以徵巡京師詰禁奸宄平易道塗肅清

輦轂初制九門步軍巡捕三營皆領於兵部職方司
以漢人主事一員專司政令康熙十三年始改設

提督九門步軍統領一員

特簡八旗大臣綜理其事三十年以巡捕三營併隸於步軍統領乾隆四十六年步軍統領和珅會議奏定以所轄三營地方遼濶增為巡捕五營舊設有協理步軍統領衙門刑名事務部臣一人乾隆四十三年省如步軍統領有以都統副都統任者仍用部臣一人協理

左右翼步軍翼尉每翼各一人

正三品

八旗步軍協尉每

旗各三人

正四品

步軍副尉每旗各三人

正五品

捕盜步軍

校每旗滿洲三人蒙古漢軍各一人步軍校每旗滿洲

二十有一人蒙古漢軍各八人

正五品

委署步軍校每旗

滿洲五人蒙古漢軍各二人

翼尉協尉副尉掌董率守衛巡警掃除捕盜步軍

校掌緝捕盜賊稽察奸宄步軍校掌分汛警夜清

道詰姦翼尉本名總尉康熙十三年置協尉本名

副尉順治五年置副尉本名叅衛雍正四年置乾

隆十九年俱改今名步軍校亦順治中置捕盜步
軍校委署步軍校俱康熙三十四年置所屬凡領
催二千二十八人步軍一萬八千七百二十六人
捕盜步軍三百二十人乾隆四十六年增步軍二
千二十六人

步軍統領衙門員外郎滿洲二人主事滿洲二人司務
滿洲一人筆帖式滿洲十有二人

員外郎主事掌印檢旗營簿書司務掌稽察簿籍

兼理俸餉筆帖式掌文移繙譯員外郎初置一人
康熙六十一年增一人司務雍正十三年增置筆
帖式初置四人康熙三十年增四人雍正十三年
又增四人

城門領滿洲十八人漢軍七人

從四品

城門吏滿洲十八

人漢軍七人

正七品

門千總漢軍三十二人

正六品

掌內城九門外城七門晨昏啟閉之節以嚴出入
稽詐偽城門領初名城門尉城門吏初名城門校

乾隆十九年俱改今名其員額內城每門各二人
外城每門各一人門千總初為指揮千戶順治四
年改置內外城每門各二人所屬凡門甲三百二
十人門軍六百四十人又礮手每門各二人

信礮總管滿洲一人

正四品

司信礮官漢軍旗各一人

正五品

品

掌守白塔信礮初順治十年以兵部尚書噶洪達
奏始定置信礮五于白塔山及內九門各置信礮

五設信礮官漢軍左右翼各二人以司其事雍正
二年改定員額如今制乾隆八年定歸于步軍統
領管轄又

紫禁城內西甬子河舊置步軍校二人步軍四十人
以備緊急差傳乾隆四十八年增置協尉一員步
軍六十名移駐造辦處外圍地方焉

巡捕中營副將一人

從二品

遊擊一人

從三品

都司一人

正四品

守備四人

正五品

千總十人

正六品

把總二十

後同

後同

後同

人

正七品
後同

巡捕南營叅將一人

正三品
後同

遊擊一人都司

一人守備五人千總十二人把總二十四人巡捕北營

叅將一人遊擊一人都司一人守備三人千總八人把

總十六人巡捕左營叅將一人遊擊一人都司一人守

備三人千總八人把總十六人巡捕右營叅將一人遊

擊一人都司一人守備三人千總八人把總十六人

掌分汛防守譏察巡邏緝捕姦匪初制巡捕分南

中北三營轄十九汛置官七十員馬步兵五千一

百名乾隆四十六年增為中南北左右五營分設

二十三汛所置各汛名目中營汛五

曰圓明園
暢春園

汛靜宜園汛樹
村汛樂善園汛

南營汛六

曰東河沿汛東珠市
口汛花兒市汛西河

沿汛西珠市口
汛菜市口汛

北營汛四

曰德勝汛安定汛
東直汛朝陽汛

左營

汛四

曰河陽汛東便汛
廣渠汛左安汛

右營汛四

曰阜城汛西便
汛廣寧汛永寧

汛共置官一百七十一員增兵四千九百名合為

一萬分馬戰守糧額仍撥兵二千依健銳營制以
時操演訓練武備各置有外委千總把總以司協

防差操之事並募民充番捕人役以伺察旗民牙
錯星羅法制益加詳密焉

歷代建置

三代

周禮地官司門門下大夫二人上士四人中士八人
下士十有六人府二人史四人胥四人徒四十人
每門下士二人府一人史二人徒四人掌授管鍵
以啟閉國門幾出入不物者

鄭康成注司門若今
城門校尉主王城十

二門賈公彥疏司門總監十二門
每門下士二人據在門啟閉者

謹案周司門之職每門下士二人而主之以下
大夫者蓋以王城管鑰之任非位尊權重則不
能當防閑禁遏之責故特重其官秩即如今提
督九門皆以大臣兼領也

周禮秋官司隸中士二人下士十有二人府五人
史十人胥三十人徒二百人掌五隸之灋帥其徒
而搏盜賊凡囚執人之事

鄭康成注隸給榮辱之
役者漢始置司隸亦使

將徒治道溝渠之役後稍
尊之使主官府及近郡

禁殺戮下士二人史一

人徒十有二人掌司斬殺戮者凡傷人見血而不

以告者攘獄者過訟者以告而誅之

鄭康成注司
猶察也察此

四者告于司
寇罪之也

禁暴氏下士六人史三人胥六人徒

六十人掌禁庶民之亂暴力正者撓誣犯禁者作

言語而不信者以告而誅之凡國聚衆庶則戮其

犯禁者以徇野廬氏下士六人胥十有二人徒百

有二十人掌比國郊及野之道路宿息井樹若有

賓客則令涂地之人聚橐之有相狎者誅之凡道路之舟車輦互者叙而行之禁野之橫行徑踰者凡國之大事比修除道路者掌凡道禁司寤氏下士二人徒八人掌夜時以星分夜以詔夜士夜禁禦晨行者禁宵行者夜游者

鄭康成注寤覺也主夜覺者夜時謂夜早

晚若令甲乙至戌夜士主行夜行候者如今都候之屬

修閭氏下士二人史

一人徒十有二人掌比國中宿互橐者與其國粥而比其追胥者而賞罰之禁徑踰者與以兵草趨

行者與馳騁于國中者邦有故則令守其閭互唯
執節者不幾

謹案周官司隸為漢司隸校尉所自出即今步
軍統領之權輿而秋官所屬自禁殺戮至修閭
氏五官皆主幾防盜賊姦宄實亦今步軍統領
衙門所有事蓋禁殺戮禁暴氏主禁庶民之斬
殺亂暴者以告而誅之正如今步軍統領衙門
緝獲違禁犯法之民笞杖者審斷發落徒罪以

上送刑部審擬也野廬氏主修除道路正如今
乘輿經由內外城統領率所部官兵先時除道設幃
衢巷以蹕行人也司寤氏主夜禁修閭氏比國
中宿互橐者惟執節者不幾正如今京城內傳
更閉柵王公官民皆禁行走惟奉

旨差遣及各部院傳事均詢明聽出也謹並繫於表
以著法禁所昭實有與成周之制相為表裏者

爾

春秋左氏傳樂盈過於周辭於行人曰將歸死於尉氏杜預註尉氏討姦之官孔穎達疏尉氏主刑人故為討姦之官

謹案周禮無尉氏之官疑東遷後始置漢書地理志陳留郡有尉氏縣應劭曰古獄官曰尉氏鄭之別獄也是列國後亦仿置此官秦漢中尉之名其源蓋本於此當亦如今之步軍統領矣

秦

唐六典中尉秦官掌徼巡京師

常璩華陽國志中尉田真黃

秦中尉

漢

杜佑通典北軍中尉主之掌京城門內之兵

漢書百官公卿表中尉掌徼循京師

如淳註所謂徼徼徼循禁

備盜賊也顏師古

注徼謂遮繞也 有兩丞候司馬千人

顏師古注候及司馬及千

人皆官名也

武帝太初元年更名執金吾屬官有中壘

寺互武庫都船四令丞中壘兩尉及左右京輔都

尉尉丞兵卒皆屬焉

王應麟王海應劭曰吾禦也掌執金革禦非常師
古曰金吾鳥名主辟不祥天子出行職主先導以
禦非常故執此鳥之象因以名官崔豹古今注金
吾棒也以銅為之黃金塗兩末

馬編中華古今注棒者崔正熊注車輻也漢朝執
金吾亦棒也以銅為之黃金塗兩足以謂之金吾
御史大夫司隸校尉亦得執焉

錢文子補漢兵志三輔之兵中尉主之有大事發兵屯衛事已輒罷其征伐四夷不輒用也

漢書百官公卿表中尉丞楊僕

三國魏志王朗列傳西京執金吾從騎六百走卒倍焉

漢書百官公卿表中壘校尉掌北軍壘門內

漢書季布列傳季心為中司馬中尉郅都敢加如淳註中尉之司馬

謹案荀悅漢紀李布弟心立然諾作氣關中方
千里士爭為之死心為中尉司馬郅都為中尉
未敢加也如淳漢書李布傳註以中司馬為中
尉之司馬與漢紀合

漢書平帝本紀元始二年九月遣執金吾候陳茂
假以鉦鼓募勇敢吏士

史記灌夫列傳夫以千人與父俱裴駢集解官主
千人如候司馬

馬端臨文獻通考北軍徵巡京師屬中尉別有壘垣軍門在京城按胡建傳云監軍御史穿北軍壘垣為賈區軍正丞胡建斬之而中壘校尉實掌北軍壘門內則是北軍自有壘垣軍門

漢書張蒼列傳蒼任人為中候

王應麟曰北軍中候也

漢書如淳注漢儀注有寺互都船獄令

漢書顏師古注北軍尉一人主上書者獄

謹案漢以執金吾掌北軍其職在徵巡京師而

尹賞列傳稱賞遷執金吾督大姦猾則又主于
緝匪禁邪實與今步軍統領之職最為相合至
北軍別有都尉校尉中候當如今之巡捕五營
將備其丞候司馬千人則如今之協尉副尉等
官而寺互都船令北軍尉等主治刑獄則如今
之員外郎等官也

漢書百官公卿表司隸校尉武帝征和四年初置
持節從中都官徒千二百人捕巫蠱督大姦猾後

罷其兵察三輔三河宏農元帝初元四年去節成
帝元延四年省綏和二年哀帝復置但為司隸冠
進賢冠屬大司空比司直

漢紀元帝紀諸葛豐為司隸劾舉無迴避侍中許
章不奉法度豐特劾章顯奏其事適逢章私出豐
駟車舉節詔章下獄收章窘迫駟車去豐追之章因入
宮自歸于上豐亦上奏因收奪豐節司隸去節自豐始
也哀帝紀諫議大夫鮑宣拜司隸校尉丞相光行

園陵行馳道中宣出逢之使吏拘止丞相吏没入其車馬

王海漢儀曰司隸校尉職在典京師外部諸郡無所不糾詣臺廷議處九卿上朝賀處公卿下陪卿上

謹案漢之司隸校尉察三輔三河宏農乃兼有諸州部刺史之任故地理志以京兆等郡為司隸所部亦頗近於守土之官然其職得督察公

卿委寄甚重故漢書蓋寬饒傳寬饒為司隸校尉宣帝予書曰命君以司察之位鄭昌上書頌寬饒亦云職在司察諸葛豐傳又稱司隸刺舉不法善善惡惡則所司全在詰禁茲非正如今之步軍統領也

漢書百官公卿表城門校尉掌京師城門屯兵有司馬十二城門候

謹案三輔黃圖都城十二門長安城東出南頭

第一門曰霸城門東出第二門曰清明門東出
北頭第一門曰宣平門南出東頭第一門曰覆
盎門南出第二門曰安門南出第三門曰西安
門西出南頭第一門曰章城門西出第二門曰
直城門西出北頭第一門曰雍門北出東頭第
一門曰洛城門北第二門曰厨城門北出西頭
第一門曰橫門城門皆有候門候主候時啟閉
此條可與百官公卿表互證

玉海環濟要畧城門校尉高帝置從緹騎百二十人武帝始增屯兵

漢書蔡義列傳遷補覆盎城門候顏師古注候主候時而開閉也

漢書功臣表芒候彫跽以門尉起碣

謹案漢代城門校尉其任至鉅如王譚王商王立等皆以特進相代領城門兵置幕府得舉吏如將軍而孔光為太師亦兼領城門兵谷永與

王譚書所謂至戚賢舅執管籥於外蓋因門禁之重故必擇大臣以兼領其事今步軍統領之提督九門正其任也

後漢書百官志執金吾一人中二千石掌宮外戒司非常水火之事月三繞行宮外及主兵器丞一人比千石緹騎二百人無秩比吏食奉中興省中壘寺互都船令丞尉及左右京輔都尉北軍中候一人六百石

謹案後漢執金吾將兵之事屢見於史袁宏後漢紀所載如光武建武二年執金吾賈復將兵擊郾和帝永元九年執金吾劉尚將兵擊隴西羌順帝永建六年執金吾張喬屯兵三輔蓋執金吾本北軍中尉掌京城門內之兵故常主征伐之事也又和帝永元四年上幸北宮詔公卿百官使執金吾衛南北宮詔收寶憲大將軍印綬則後漢志所云掌宮外戒司非常之事是也

章懷太子李賢後漢書註胡廣曰衛尉巡行
宮中則金吾徼於外相為表裏以擒姦討猾漢官
曰執金吾緹騎五百二十人輿服導從光滿道路
羣僚之中斯最壯矣世祖歎曰仕宦當作執金吾
東觀漢記馮魴為執金吾將緹騎宿元武門複道
上領南宮吏士

洪适隸釋執金吾丞武榮碑舉孝廉

缺二字

郎中遷

執吾丞山陽太守祝睦碑辟司空府北軍中候北

軍中候郭仲奇碑復辟司徒拜軍中候釋云碑書其官無北字郭究碑但稱為軍中若與額殊按祝睦嘗為北軍中候而其後碑書云北軍軍中候則知此亦省文耳

後漢書百官志司隸校尉一人比二千石持節掌察舉百官以下及京師近郡犯法者成帝省建武中復置并領一州都官從事主察舉百官犯法者功曹從事主州選署及衆事別駕從事校尉行部

則奉引錄衆事簿曹從事主財穀簿書主簿主錄
閣下事省文書律令師主平法律簿曹書佐主簿
書

袁宏後漢紀獻帝紀初平八年大中大夫孔融上
書潁川南陽陳留上黨三河近郡不封爵諸侯臣
愚以為千里國可畧從周官六卿六遂之文分取
北郡皆令屬司隸校尉帝從之

謹案後漢紀光武紀更始以世祖為司隸校尉

獻帝紀諸葛亮等上言稱左將軍領司隸校尉宜
城亭侯備世祖先主皆漢中興之君其始均曾
為司隸校尉可知此官之重又考獻帝紀董卓
問司徒王允曰欲得任司隸校尉誰可者允曰
惟有益京兆耳卓曰此人明智有餘然不可假
以雄職也遂以勲為越騎校尉卓以司隸校尉
為雄職誠如百官志所云掌察舉百官以下及
京師近郡犯法者是也桓帝紀黃門令瑗將虎

賁士千人與司隸共捕梁冀宗親洛陽獄河內
張成知當大赦使女殺人李膺為司隸收成殺
之此即所謂察舉京城犯法者也獻帝紀司隸
校尉鍾繇持節鎮撫關中是其察舉近郡之事
也又考後漢司隸校尉與河南尹並重凡舉大事
必先慎擇此二官靈帝紀蕃武得劉瑜書于是
以朱富為司隸校尉劉祐為河南尹蓋何武將
奏收曹節王甫等故先擢此二人以備京城內

外之變故也其後尚方監渠穆既斬何進珪讓
偽詔以故太尉樊陵為司隸校尉故司空許相
為河南尹亦重此二雄職也

後漢書世祖本紀司隸從事孟異成

後漢書百官志城門校尉一人比二千石掌維
陽城門十二所司馬一人千石主城門兵每門候
一人六百石維陽城十二門其正南一門曰平城
門北宮門屬衛尉其餘上西門雍門廣陽門津門

小苑門開陽門旄門中東門上東門穀門夏門凡
十二門

李尤正陽城門銘平門督司午位處分外臨僚侍
內達帝宮正陽南面炎暑赫融

謹案李尤集載十二城門銘曰正陽城門銘所
謂午位處分者也曰中東門銘所謂月值當郊
者也曰上西門銘所謂位月惟戌者也曰上東
門銘所謂厥位在寅者也曰闕陽城門銘所謂

位月惟巳者也曰津城門銘所謂位月在未者

也曰旄城門

一作耗誤

銘所謂位月在辰者也曰廣

陽門銘所謂厥月在申者也曰雍城門銘所謂

位月在酉者也曰夏城門銘所謂位月在亥者

也曰穀城門銘所謂位當于丑者也惟無小苑

門銘或衰集者佚之據後漢百官志此十二門

皆有門候尤正陽門銘云平門督司即謂門候

主督司也十二門皆有督司獨于正陽門言之

者午位正門于十二門為特重故也三輔黃圖
長安城南出第三門曰西安門一曰便門即平
門也古者平便皆同字取其道易直洛陽正陽
之名平門或亦取其易直乎

後漢書鄧惲列傳惲為上東城門候張奮列傳奮
子甫官至津城門候章懷太子注謝承書曰何湯
為郎中守開陽門候

隸釋孫叔敖碑陰伯尉有一子字世伯舉江夏孝

廡城門候太尉陳球碑換東城門候釋云漢志洛陽城有中東門後碑亦作中東城門此碑云換東城門候殆省文也司空宗俱碑俱以察孝為城門候

方以智通雅周禮司門千寶注每門下士二人如今門候公車誰長之類

謹案東漢執金吾掌擒姦討猾及戒司非常水火之事與今步軍統領職掌正同若司隸校尉

則專主糾察百官而後漢書鮑昱傳載昱為司隸校尉坐救火遲免官則其所掌亦有與執金吾無異者至城門校尉職司啟閉其任並重故曹褒馬防竇武朱雋趙典皆嘗為之今之步軍統領則以執金吾司隸校尉城門校尉而併為一職者也

三國

唐與漢執金吾徵巡宮外魏武執政復為中尉

通典魏司隸與二漢同漢置城門校尉魏因之

王楸野客叢書魏晉以來御史中丞專督行馬內
司隸專督行馬外

崔豹古今注兩漢京兆河南尹及執金吾司隸校
尉皆使人導引傳呼使行者止坐者起四人各持
角弓違者則射之有乘高窺闕者亦射之魏晉設
角弩而不用也

謹案裴松之三國志注載魏校事劉肇出過成

臯縣縣令沐並欲收之肇以狀聞有詔肇為牧
司爪牙吏云云校事乃司隸之屬而詔旨稱為
爪牙吏則以其職司糾察故特假以事權蓋即
如漢之都官從事也

三國吳志吳主權列傳嘉禾三年執金吾許晏

晉

文獻通考中尉晉初罷

太平御覽晉中興書陶回擢拜北軍中候

隸續晉右軍將軍鄭烈碑遷北軍中候典司禁戎
晉書職官志司隸校尉漢武置厯魏晉其官不替
屬官有功曹都官從事諸曹從事部郡從事主簿
錄事門下書佐省事記室書佐諸曹書佐守從事
武猛從事等員凡吏一百人卒三十二人及渡江
乃罷

謹案魏晉司隸校尉皆兼察列郡如部刺史之
職然考太平御覽引臧榮緒晉書稱傳咸以議

郎長兼司隸校尉時豪右放恣郡縣容縱盜寇
於是奏免河南尹京都肅然貴戚憚之則其官
亦主糾舉非違督緝姦盜實如今之步軍統領
也

傅咸明司隸職掌書按令御史中丞督司百僚皇
太子以下其在行馬內有違法憲者彈糾之雖在
行馬外而監司不糾亦得奏之如今之文行馬之
內有違法憲謂禁防之事耳宮內禁防外司不得

而行故專司中丞今道路橋梁不修闕訟屠沽不
絕如此之比中丞推責州坐即今所謂行馬內語
施于禁防既云中丞督司百僚矣何復說行馬之
內乎既云百僚而不得復說行馬之內者內外衆官
謂之百僚則通內外矣司隸所以不復說行馬內
外者禁防之事已於中丞說之故也中丞司隸俱
糾皇太子以下則共對司內外矣不為中丞專司
內百僚司隸專司外百僚自有中丞司隸以來更

互奏內外衆官惟所得糾無內外之限也而結一
旦橫挫臣前所以不羅縷者冀因結奏得從私願
也今既所願不從而勅云但為過耳非所不及也
以此見原臣忝司直之任宜當正已率人若有其
過不敢受原是以申陳其愚司隸與中丞俱共糾
皇太子以下則從皇太子以下無所不糾也得糾
皇太子而不得糾尚書臣之閤塞既所未譬皇太
子為在行馬之內也皇太子在行馬之內而得糾

之尚書在行馬之內而不以糾無有此理此理灼
然而結以此挫臣臣可無恨耳其於觀聽無乃有
怪耶臣識石公前在殿上脫衣為司隸荀愷所奏
先帝不以為非于時莫謂侵官今臣裁糾尚書而
當有罪乎

謹案後漢紀光武紀是時有上書言宜令司隸
校尉督察三公司徒掾陳元上疏謂不宜有司
察公輔之明上善其言據傳咸此書則漢晉之

欽定四庫全書

制度歷代職官表
卷四十六

制頗異

春秋左氏傳楚人以為大閭謂之大伯杜預注若
今城門校尉官

通典漢魏置城門校尉晉制銀章青綬絳朝服武
冠佩水蒼玉

謹案通典謂晉亦有城門校尉考杜氏左傳註
謂若今城門校尉則晉有此職尤屬確鑿而晉
書職官志獨闕而不載殆南渡以後又經省併

之故歟

宋齊梁陳

文獻通考宋齊俱以衛尉掌宮城屯兵及管鑰之事梁陳二代無城門之職

隋書百官志梁又有宣陽等諸門候為三品蘊位謹案江左諸朝皆不置執金吾及城門校尉其宮門及城門管鑰皆以衛尉一官掌之則兼有今護軍步軍兩統領之職也而東晉以後揚州

刺史即漢魏司隸校尉之任故當時多以親藩
任之然其體制已全同諸州方牧固無復督討
豪猾之事矣

北魏

鄭樵通志職官畧後魏置城門校尉

魏書職官志城門校尉第四品

魏書酷吏列傳時京師盜魁聚為劫害以赦提為
逐賊軍將又為游徼軍將前後擒獲畧盡

魏書甄琛列傳琛以羽林為游軍於諸坊司察盜賊於是京邑清靜至今踵焉

謹案北魏京城巡徼之法即此二條可以考見大槩蓋逐賊軍將游徼軍將如今之巡捕五營而羽林游軍則如今之步軍營也

北齊

司馬光資治通鑑齊以東平王儼為京畿大都督凡京畿步騎莫不畢從儼被殺罷京畿府入領軍

胡三省注京畿大都督總京畿兵因儼以京畿兵
弄兵故罷之

北齊書顯祖本紀授京畿大都督世祖本紀遷太
傅領京畿大都督

北齊書慕容儼列傳授儼京畿南面都督

北齊書莫多婁貸文列傳中興初除伏波將軍領
虞候大都督位至領軍將軍恒檢校虞候事督兵
馬糾察盜賊

謹案北齊以京畿大都督領京城諸兵當時多
由懿親授任正如今步軍統領之職又有京畿
南面都督分地管轄當如今翼尉之職而虞候
大都督掌率兵糾察盜賊則當如今巡捕五營
之職又考北齊書崔昂傳稱議曹律令京畿密
獄多委之元韶傳稱幽於京畿地牢是京畿府
又主刑獄其於今步軍統領衙門職掌尤為相
合也

隋書百官志北齊城門寺置校尉二人掌宮殿城

門管籥

謹案北齊城門寺兼掌宮殿城門管籥則亦合
今護軍步軍兩統領之職而為一也

後周

通典後周官品正四命地官司門下大夫正三命
地官小司門上士夏官武環率武侯率上士正二
命地官宮門城門中士正一命地官宮門城門下

士

文獻通考後周司門上士下士掌皇城十二門之
禁令

唐六典後周置武環率武侯率下大夫各二人
後周書齊王憲列傳我虞侯大都督也

謹案周有門正上士掌門闕啟閉為禁衛之職
已別著於護軍統領表內至司門大夫以下各
官則即漢城門校尉之任實如今之提督九門

也其武環率武侯率為執金吾遺職故亦並著
於表焉

隋

隋書百官志隋城門局校尉二人直長四人左右
武侯大將軍一人將軍二人掌晝夜巡察執捕姦
匪煬帝改左右候衛所領名伙飛

通典隋門下省統城門局校尉二人大業三年又
隸殿中省十二年又減一人後又改校尉為城門

郎置四人又隸門下省

謹案隋城門局兼掌宮門京城門管鑰而左右武侯亦主烽候道路水草所置各有司存今故互見於前鋒護軍統領表以著其實云

唐

唐六典左右金吾衛大將軍各一人正三品將軍各二人從三品掌宮中及京城晝夜巡警之法以執禦非違

舊唐書職官志左右金吾衛大將軍各一員將軍
各二員掌京城晝夜巡警之法凡翊府及同執等
五十府皆屬之其屬長史錄事叅軍倉兵騎胄四
曹叅軍司階中候司戈執戟翊府中郎將左右郎
將兵曹校尉旅帥隊正副隊正

新唐書百官志左右金吾衛上將軍各一人大將
軍各一人將軍各二人掌京城巡警凡大功役則
與御史循行兵曹叅軍事掌翊府外府武官騎曹

叅軍事掌外府雜畜簿帳冑曹叅軍事掌兵械公
廨長史各一人錄事叅軍事各一人倉曹叅軍事
各二人兵曹叅軍事各二人騎曹叅軍事各二人
冑曹叅軍事各一人左右司階各二人左右中候
各三人左右司戈各五人左右執戟各五人左右
街使各一人判官各二人左右翊中郎將府中郎
將掌領府屬督京城左右六街鋪巡警以果毅二
人助巡探

劉肅大唐新語金吾衛佐李元成

趙璘因話錄柳元公初拜京兆尹將赴府上有神
策軍小將乘馬不避公于街中杖殺之憲宗詰公
專殺狀曰卿何不奏公曰臣只合決不合奏上曰
合是何人奏公曰在街中本街使金吾將軍奏若
在坊內則左右巡使奏上乃止

謹案街坊之別雍錄謂其最當城中而南者為
朱雀門街朱雀東十坊

縱而
數之

皆有直街北自宮

城之安上門而南極乎京城南面之陰是為朱雀街東之第一街朱雀西十坊之西亦有直街自北徹南是為朱雀街西第二街自餘十坊可隨朱雀東西而命其方又曰坊皆南北相沓每坊之南皆有橫街橫街之北是為諸坊之南諸坊之南皆有門自東西以出橫街坊之若東若西即坊之左畔右畔也據此則坊在一方之內其東西南北皆有街限之蓋坊統于街也金吾將

軍統察諸街巡使分察諸坊亦以秩之尊卑為職之大小也

胡三省通鑑注金吾左右街使各一人掌分察六街徼巡凡城內坊角有武侯鋪衛士驍騎分守大城門百人大鋪三十人小城門二十人小鋪五人日暮鼓八百聲而門閉乙夜街使以騎卒巡行叫呼武官暗探五更二點鼓自內發諸街鼓承振坊市門皆啟鼓三千撾辨色而止

大唐新語舊制京城內金吾曉暝傳呼以戒行者
馬周獻封章始置街鼓俗號鼕鼕鼓公私便焉

宋敏求春明退朝錄唐馬周始建議置鼕鼕鼓惟
兩京有之是京都之制也二紀以來不聞街鼓之
聲金吾之職廢矣

孫承澤春明夢餘錄番役在唐稱為不良人有不
良帥主之

謹案今步軍統領在唐當為金吾上將軍之職

而所屬左右翊中郎將左右郎將則如今之協
尉副尉果毅則如今之步軍校左右街使則如
今之巡捕營而所謂不良帥者則如今之番役
頭目也

唐六典城門郎四人門僕八百人掌京城皇城宮
殿諸門開闔之節奉其管鑰而出納之

謹案唐城門郎兼司京城皇城管鑰併為一職
今亦互見于護軍統領篇

五季

五代史晉本紀天福七年右金吾衛大將軍梁言
使于契丹

五代會要金吾衛後唐天成三年六月勅金吾每
奏左右廂內外平安有類藩方宜改云軍國內外
并平安

五代史盧導列傳京城巡檢使安從進催百官班
迎

五代會要城門郎梁開平元年五月改城門郎為
門局郎至後唐同光元年十一月却改為城門郎
謹案五季金吾衛僅有虛名並無官守而京城
巡檢使主率兵巡邏實即唐代金吾將軍之職
也

宋

宋史職官志左右金吾街司左右金吾仗司掌清
道徽巡

王海淳化五年八月判左右金吾街仗魏丕以新募千餘人引對崇政殿太宗親選得五百七十人其中取身品優者三人為等分四營營設五都都有員僚節級一如禁兵之制命田守信知右街事帝以京師浩穰街司循警用禁軍非舊制特命左右街各置千人優以廩給使傳呼備盜至是始分營部令魏丕更召募以充其數至道元年八月閭承翰等為金吾都監紹興二年三月二十八日詔

街仗司以二百人為額

通雅明之錦衣衛為宋金吾街仗淳化置金吾四營魏丕新募太子親選如禁兵之制者是也

李燾續資治通鑑長編仁宗嘉祐七年皇城司遷卒吳清奏富人張文政殺人有司鞫問無狀

司馬光皇城司巡察親視官表臣等伏聞皇城司親事官奏報有百姓殺人私用錢物休和事下開封府推鞠皆無事實欲乞元初巡察人照勘其皇

城司庇護不肯交付臣等切詳祖宗開基之始人心未安恐有大姦陰謀無狀所以躬自選擇左右親信之人使之周流民間密行伺察當是之時萬一有挾私誣枉者則斧鉞隨之是以此屬皆知畏懼莫敢為非今海內承平已踰百年上下安固人無異望世變風移宜有釐革而因循舊貫更成大弊乃至帝室姻親諸司倉庫悉委此屬廉其過失廣作威福公受貨賂所愛則雖有大惡掩而不問

所憎則舉動語言皆見倚撫臣等常病國家擇天下賢才以為公卿百官而猶不可信顧任此厮役小人以為耳目豈足恃哉今乃妄執平民加之死罪使人幽繫囹圄橫罹楚毒幸而不自誣服僅能辨明若更不聽有司詰問元初巡察之人少加懲戒臣恐此屬無復忌憚愈加恣橫使京師吏民無所措其手足此豈合祖宗之意哉伏望朝廷指揮皇城司令送元初巡察人下開封府推問本情或

別有仇嫌或察訪鹵莽各隨其狀依法施行仍自
今後永為定制庶可以塞欺罔之源絕侵冤之門
以全國家至公之道

謹案宋會要皇城司在內最為煩劇掌宮城出
入禁令權亞殿巖當如今護軍統領而所轄邏
卒得司京城訪緝之政則又兼有步軍統領職
事矣

宋史職官志左右軍巡司判官各二人分掌京城

爭鬪及推鞠之事左右廂公事幹當官四人掌推覆推問凡鬪訟事輕者聽論決元祐二年置左右二廂三年置軍巡院判官一員建炎三年令城外內分南北左右廂各置廂官以聽民之訟分使臣十員以緝捕在城盜賊分六都監界分差兵一百四十八鋪以巡防烟火

謹案宋都城緝捕詰禁之事皆專屬之開封尹及臨安安撫使故於開封府置軍巡司判官蓋

即今步軍統領衙門員外郎等官之職而臨安府所置左右廂緝捕各官則即如今巡捕五營之職也

遼

遼史百官志五京都虞候司職名都虞候上京都虞候司東京都虞候司南京都虞候司西京都虞候司中京都虞候司○五京警巡院職名某京警巡使某京警巡副使上京警巡院東京警巡院中

京警巡院南京警巡院西京警巡院○東京軍巡

院東京軍巡使○中京巡邏使司中京巡邏使耶

律昱開泰間為中京巡邏使

警巡使巡邏使二職互見五城兵馬司篇

金

金史百官志武衛軍都指揮使司都指揮使從三

品

大定二十九年以武衛軍六十人兵馬一員副都二員其職低故設使品正四承安三年陞

副都指揮使二員從四品副都一員從四品

初正五承

安三判官一員

承安三年設

掌防衛都城警捕盜賊○

鈐轄司鈐轄十員正六品

初設二員

都鈐轄四員從七

品

興定三年權設巡把兩宅

都將二十員從九品

大定十六年立名

掌

管轄軍人防衛警捕之事

承安元年設萬人內軍八千九百四十九人忠

衛二百人隊正四百人

○京城開陽宣仁安利平化通遠宜

照利川崇德迎秋廣澤順義迎朔順常廣智十四

門尉從七品副尉正九品○諸京警巡院使一員

正六品掌平理獄訟警察別部總判院事副一員

從七品掌警巡之事判官二員正九品掌檢稽失

簽判院事

警巡使互見五
城兵馬司篇

謹案自北宋以後都城巡徼不復設有專職至
金始置武衛都指揮以掌其事蓋即唐代金吾
之職而鈐轄司則如今之巡捕各營故亦隸屬
於武衛司也

元

元史百官志大都留守司留守秩正二品掌守衛
宮闕其屬大都城門尉秩正六品尉二員副尉一

員掌門禁啟閉管鑰之事至元二十年置以四集

賽

解見領侍衛篇

為之二十四年復以六衛親軍叅掌凡

十有一門曰麗正曰文明曰順承曰平則曰和義

曰肅清曰安貞曰健德曰光熙曰崇仁曰齊化每

門設官如上○虎賁親軍都指揮使司秩正三品

管領上都路原籍軍人置都指揮使三員副都指

揮使二員僉事二員經歷一員知事照磨兼承發

各一員令史七人譯史通事知印各一人典吏二

人鎮撫二員都目二員○大都路兵馬都指揮使
司凡二秩正四品掌京城盜賊姦偽鞠捕之事都
指揮使二員副指揮使五員知事一員提控案牘
一員吏十四人至元九年改千戶所為兵馬司隸
大都路而刑部尚書一員提調司事凡刑名則隸
宗正且為宗正之屬二十九年置都指揮使等官
其後因之一置司於北城一置於南城司獄司凡
三秩正八品司獄一員獄丞一員獄典二人掌囚

繫獄具之事

謹案元史兵志仁宗延祐七年五月詔留守司
及虎賁司官親率衆於夜巡邏是元代都城巡
徼實屬留守虎賁二司之事蓋大都留守兼有今
提督九門之職而虎賁司為上都路原籍軍人
則如今之京營也其大都路兵馬司掌鞠捕奸
盜亦與今巡捕營之職相合自明代沿其舊名
改設文秩遂為五城司坊之稱而溯厥源流實

當為金吾街使之比今仍繫之于此表又考元史載皇慶元年丞相奏每歲幸上都於各宿衛中留衛士三百七十人以備巡邏今歲多盜賊宜增百人制可仍命樞密與中書分領之據此則元代於各軍司常制之外又別有巡邏軍為隨時所調撥矣

明

孫承澤春明夢餘錄明初置錦衣親軍指揮使司

以鎮撫司理衛中刑名如列衛而兼簡軍匠所謂
南鎮撫司也北鎮撫司本添設專理詔獄成化十
四年始給印分司得直達上下法司覆提領衛事
者恒以都指揮都督或恩功或寄祿凡盜賊姦宄
街塗溝渠密緝而時省之凡奉旨鞠獄錄囚事與
三司從事凡比試監焉

明史刑法志東廠之設始於成祖錦衣衛之獄太
祖嘗用之後已禁止其復用亦自永樂時廠與衛

相倚故言者並稱廠衛初成祖起北平刺探宮中
事多以建文帝左右為耳目故即位後專倚宦官
立東廠於東安門北令嬖暱者提督之緝訪謀逆
妖言大奸惡等與錦衣衛均權勢蓋遷都後事也
然衛指揮紀綱等用事廠權不能如至憲宗別設
西廠以汪直督之所領緹騎倍東廠勢遠出衛上
以萬安言革罷正德元年命邱聚領東廠又設西
廠以命谷大用皆劉瑾黨也兩廠爭用事遣邏卒

刺事四方天下皆重足立而衛使石文義亦瑾私人
廠衛之勢合矣瑾又改惜薪司外薪廠為辦事
廠榮府舊倉地為內辦事廠自領之京師謂之內
行廠雖東西廠皆在伺察中加酷烈焉瑾誅西廠
內行廠俱革獨東廠如故張銳領之與衛使錢寧
並以緝事恣羅織廠衛之稱由此著世宗時廠權
不及衛萬厯初馮保兼廠事與張居正與王大臣
獄欲族高拱衛使朱希孝力持之拱得無罪衛猶

不大附厥也及天啟時魏忠賢以秉筆領厥事用
衛使田爾耕鎮撫許顯純之徒專以酷虐鉗中外
而厥衛之毒極矣凡中官督東廠者曰督主東廠
之屬無專官掌刑千戶一理刑百戶一亦謂之貼
刑皆衛官其隸役悉取給于衛錦衣衛獄者世所
稱詔獄也太祖悉焚衛刑具詔內外獄大小咸經
法司成祖幸紀綱令治錦衣親兵復典詔獄遂用
其黨緣借作奸數百千端綱誅其徒稍戢至正統

時復張天順末禍益熾朝野相顧不自保鎮撫司
職理獄訟初止一司洪武十五年添設北司專理
詔獄然大獄經訊即送法司擬罪未嘗具獄詞成
化元年始令覆奏用叅語法司益掣肘十四年增
鑄北司印信一切刑獄毋闕白本衛即衛所行下
者亦徑自上請可否衛使毋得與聞故鎮撫職卑
而其權日重然廠衛未有不相結者獄情輕重廠
能得於內而外廷有扞格者衛則東西兩司房訪

緝之北司拷問之鍛鍊周內始送法司即東廠所
獲亦必移鎮撫再鞫而後刑部得擬其罪故廠勢
強而衛附之廠勢稍弱則衛反氣凌其上及後中
官愈重而衛使無不競趨廠門甘為役隸矣

謹案都城為四方會極民物殷繁故董正之司
自古特加慎重周官以門大夫譏察門禁以禁
殺戮以下諸職防治奇袤法制最為周密漢時
執金吾城門校尉分建兩官而又有司隸校尉


以刺舉不法所率中都官徒金吾緹騎至千有
餘人而都官從事亦得糾察京師及近郡威勢
甚盛故後漢書魯恭傳稱司隸典司京師四方
是則三國志程曉傳亦稱司隸校尉督察京輦
蓋所以杜姦萌而肅治化誠不可不崇其任也
自唐迄宋其職漸輕逮明復設錦衣衛寄以緝
除奸宄之責其初制原未嘗倚以斷獄而永樂
以後委畀益親於是錦衣堂上官與鎮撫司理

刑官皆得獨專獄事憑勢作奸浸成弊藪其後
又與東廠相為狼狽朋竊威福殘虐忠良逮其
未造而飲章告密冤濫相仍慘酷殆無人理舉
朝野性命一聽之武夫官豎之手元氣漸滅害
鍾家國蓋至明代為已極矣我

朝置步軍統領之職掌管門禁提督京營

特簡親信重臣以膺斯任綱維整飭法令謹嚴振鋤
奸剪惡之風開通隱達情之路百官以正萬民

以察規條凜肅中外又安誠千古所無之隆矩
也



欽定歷代職官表卷四十六